

Concierto dominical exitoso

Celebrando cu Lio Booi su di 91 cumpleaños

Resenya skirbi pa Ruthy "Lady Ruth" Vrieswijk-Bergen



E concierto dominical pa e ultimo diadomingo di e luna di juli a tuma lugar cu hopi enthousiasmo y alegria. E lugar tawata tjokvol. Shon Lio Booi a hana su serenata di canto y pabien pa su cumpleaños number 91 meymey di su famia y amigonan cu a goza e dushi diadomingo aki den Manchebo French Steakhouse den un ambiente completo cu servicio atento y profesional, manera ta e customer di e dushi headenan di Manchebo French Steakhouse y tur biaha, e "bitterballe" ta smak mas bon. Otronan a saborea nan dushi applegie, fruitpunch, thee of koffie of hasta un bon glas di biaja pa habri e apetit pa merdia.

Hopi artista, di hoben bai ariba a duna nan bunita presentacion di curazon. E.o. e hoben Jonathan Croes, cu ya ta bon conosi

dena comunidad pa su logronan riba tereno di canto, cu caminda habri pa hopi mas y e incansabel Robert Jeandor, un di nos grandinan cu ya sa kico ta come y bebe riba e tereno di musico cu tokenan y experiencianan internacional tambe, a captiva e publico cu nan stem potente yen di energia. Un coronacion musical sublime tambe cu e canto di Nilka Matos Franka, cu ta keda pa hopi "E cantante femenino reina" den boleros y of baladanan romantico cu su stem sensual y caluroso. Di berdad bo ta sinti huntu cu Nilka pa baila e danza aki, y pasa un rato bon. Su movecionnan mientras e ta canta, ta bisa'bo, cu Nilka tey pa hopi aña mas, anto den condicion top. "My dear and beautiful friend, bo a luci atrobe y bo wowonan blauw berde a papia manera e spiel di bo alma

den un forma alegre, gozando di bida huntu cu bo kerido Frank". "You are a very special and blessed singer, because you sing from your heart with a style that nobody else can match." Danki pa comparti cu nos di bo talentonan profesional, eherce como un di bo hobbenan dushi, ultimamente. Manera nos ta bisa den scouting " Si un cos ta bon....ta bon e ta !!".

E impacto grandi cu grupo Melange bao direccion di Maybeline Arends Croes a causa a laga e curazonnan tur inspira. Cancionnan cu bo no ta tende tur dia, pero cu ta existi. Y mas cu claro, letreanan cu musica di e.o. St. Hubert Booi mes of di nos tata di nos cultura Padu Lampe kende a companja su amigo Lio durante e celebracion dushi aki. - Harmonia den e vosnan tawata asina great, di e.o. Arlene Wever-Croes y Gina, Sra. de Lanooy y otronan cu mi no por corda nan nomber awor aki, pero cu tambe a canta cu hopi amor y sentimiento. Y...e dushi bolo cu no a falta, ni tampoco un storia sumamente spantoso graciosamente recita pa Vicky Booi, cu tin hopi aprecio y amor pa su suegro

Lio. E spanto gracioso aki a laga hopi hende cu un sonrisa riba nan cara. St. Emerencia (ex-schutter , tambe di edad hopi halto caba) a dedica palabranan bunita di recuerdo di infancia, creciendo na Boneiro, como amigo-mucha di Lio y con nan tur dos a bin biba y casa aki na Aruba. Tawata pa mi un placer di por a baila un piesa cu St. Emerencia, cu tin 92 aña di edad. Un bunita trio di tres di nos grandinan : Emerencia, Lio y Padu. God bless ! Boso ta carga nos cultura semper ! Atrobe e conosido Roy Saeek di Dakota tur dia a plama mas alegria cu su grupo di musico y cantantenan invita cu mas cancionnan conosi di Padu of di Shon Lio. Entre nan nos amigo Lucio Rivadeneira y Eddy Ras. Atrobe amantenan di musica di piano por a inspira ariba e notanan di un cancion clasico toca pa Livio Hermans, pero ta e dinamico y profesional den tur sentido di e palabra, Albert Croes mes mes , "nos Padu chikito" a percura pa e contacto musical inigualabel entre e otro instrumentonan y di curazon a caricia cu su tocamento excelente e oido di e publico

presente cu su energia y alegria. Pabien na tur cu a participa y of asisti na un otro dushi concierto dominical Donny Lacle cu e guia di nos cantante exitoso y famoso Edjean Semeleer como un maestro di ceremonia hopi zuiver y transparente, cu un crechi supervision di nos amiga Joyce Pereira cu a hasi e trabao bunita aki pa hopi aña tras di otro, pero cu awor ta wordo ehecuta pa Edjean, keade tambe a canta disorpresu un bunita cancion, recordando e cantante Lidwina Booi, un di e yunanan muher di Lio, cu a yega di canta e cancion aki, pero cu ta bibando na Hulanda. Otro yui talentoso y inspira di Shon Lio, cu stem bunita angelical den su cantamento ta Antonieta, e biaha aki sinta den publico cu e resto di famia Booi. Ki dia nos por goza di su bunita canto , acompaña pa un banda musical hopi great tambe ?? * (Tip pa Edjean y Joyce....)

E tawata un diadomingo yena atrobe cu amor pa nos hendenan di nos dushi Aruba. Mi ta termina mandando un sunchi riba frenta di Lio y un specialmente riba frenta di Padu.

Sigur henter pueblo ta corda aiada e dushi fiesta di Padu , dia e la cumpli su di 90 aña di edad. Lio y Padu ta nos pilarnan cu ta transmiti hopi amor pa tur loke ta cultura den su dulzura.

Nos a save the best for last, y esaki ta, nos palabranan di danki special pa Diet y John Booi, kende a deleita nos tur, pero specialmente Shon Lio cu algun cancion toca riba su sinfonia di boca. Un fiesta cu e melodianan precioso toca pa John Booi semper ta completo, ta bon mes mi a core cumindele prome cu Diet a hibe pa nan por a sigui goza di nan dushi y bunita diadomingo, cumpli cu mas di nan deseonan. Y te akinan, mi deseo pa un dushi dia yen di alegria, harmonia y energia positivo. Danki pa e espacio y danki pa lesa mi resenya.